



Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

cap. 4. An spontanea trium facultatum interiorum in Oratione Incantatio,
nomine Obtutūs fixi cohonestari possit.

[urn:nbn:de:hbz:466:1-47773](http://urn.nbn.de/hbz:466:1-47773)

Caput IV.

*In spontanea trium facultatum interiorum in Ora-
tione Incantatio, nomine Obtutus fixi cohonesta-
ri possit?*

I.

Pulchrum vocabulum puchræ instar vestis est, quæ in-
dicio est, Personam eā ornatam magnæ dignationis
esse: atque ita sit, ut non semel longè, quām illi de-
beatur, major honor, observantia & respectus tali Personæ
habeatur, sicut satelles Totilæ, regio amictus habitu, Rex
fuit existimatus.

Vellem equidem non idem accideret hodie certo Vo-
cabulo, ad supremum fastigium in Oratione promoto: &
est hoc ipsum Obtutus fixi. Audio enim mihi dici, Ob-
tutum hunc plus valere, quām valeant omnia sensa nobis-
lissima, quæ mens unquam in Oratione possit producere,
quām omnes affectus, omnes adorationes, omnes laudes,
omnia obsequia, omnes obsecrationes, omnes gratiarum
actiones, quæ ipsius loco exhibeti DEO possint, imò quod
multis parasangis actus hos omnes supereret.

Quid igitur, per DEUM, rei est Obtutus iste fixus,
quocum non solùm stare in Oratione debeo; sed eandem
inchoare, prosequi, & finire? Fateor hebetudinem meam;
quantumcunque legam, & relegam, naturam tamen ejus
intelligere non possum. Si enim per obtutum fixum aliud
non intelligitur, quām ut homo destinata voluntate absti-
neat ab animo ad ullam cogitationem applicando, quam-
libet cæterà piam ac sanctam, abstineat ab omni doctrina,
omni ratiocinatione, ab omni motu, qui devotionem in

H 2

ipso

ipso excitet, hoc non est aliud, quam suadere Incantationem trium facultatum interiorum, quam S. Teresia passim tanto ardore damnavit. Quodsi hoc inculcetur, ut homo non penitus ferietur, sed mentem applicet; non applicet tamen, nisi ad actum quendam vivæ Fidei, quo DEUM præsentem consideret, respondeo, actum ejusmodi verè esse actum & utilitatis, & vittutis singularis. Sed si hic sufficeret ad assequendam Orationem quietis,

Heb. 11.

v. 6.

Credere oportet accedentem ad DEUM. Sed à prima porta atrij interioris usque ad ultimam, quæ in Templum ipsum ducebatur, affirmat Ezechiel, in mensuris his ac distantiis metiendis accuratissimus, quod quacunque ex parte mensuram aggressus est, ab Ortu, ab Occasu, ab Aquilone, ab Austro, semper spatium inter portas medium centum cubitorum deprehenderit: *Mensus est à porta usque ad portam centum cubitos.*

Ezech. 4.

Prò quantum, ultra actum Fidei, requiritur in hominibus etiam Sanctis ad assequendam Orationem Quietis! Possunt illi post talem actum vires præterea omnes impendere in affectibus pudoris & erubescentiæ, in actibus compunctionis, & licet cum his orent præclarè, non tamen orant cum perfectione & excellentia ipsis tantâ facilitate promissâ. Quid fiet igitur, si certo consilio etiam ab his actibus orientur, eo prætextu, quod unum DEUM velint sincere operari? Quando DEUS loquitur, omnes communī consensu docent mox sistendum Orationis cursum, ut in silentio audiatur, quid ipse dicat, figendumque in ipso obtutū non firmum tantum, sed & magnitudine ejus

Psal. 48.

v. 8.

quodammodo attonitum: Audiam quid loquatur in me Dominus DEUS. Donec autem DEUS loquatur, non debemus sanè nos illi obstrepare insulsâ, & importuna garrulitate;

tate; sed neque debemus rusticâ & cruda inurbanitate muti adstante, & nolle loqui, quia ipse non loquitur: hinc verum quidem est, quod S. David Rex dixerit: *Audiam quid loquatur in me Dominus Deus*: sed non dixit, nisi postquam in Psalmo pluribus iam verbis ipse DEUM erat allocutus, rogaveratque infimis precibus, ut desideratum Messiam in Mundum mitteret. Nunc exposita petitione, audiam quid Dominus respondeat, ut id ipsum ceteris manifestem. Sic locum hunc exponit Doctissimus Bellarminus.

Quid ergo per DEUM, sibi vult hic obtutus fixus, quo solo contentos nos escoporet, cum Orationi nos damus, & Orationem Quietis assequi optamus?

Ad me quod attinet, non video quid aliud dicere possum, quam quod sit quidam conatus incantandi semetipsum, contra id quod monebat S. Teresa.

Atque hæc, si Quies erit, non erit nisi Quies illa negativa, quæ capta per intervalla, vocatur Vacatio, seu Cessatio à labore: quando tamen illi plus æquo indulgetur, nominibus haud paulo magis convenientibus vocatur pigritia, somniculositas, non curantia: non est autem illa Quies positiva, in qua acquiescit anima, quæ eam explet & exatiat, facitque beatam, sicut res quælibet est in suo centro. Et hæc est, vera Oratio Quietis. *Satiabor, cum Psal. 16.*
v. 27.

II.

Meliùs explicari non potest ista Veritas, quam afferendo communem definitionem Contemplationis Mysticæ, De Scala à S. Bernardo traditam. Sic autem respondet iste, quæren-

H 3

ti quid

ti quid sit Contemplatio Mystica? Est mentis in DEUM suspenſe elevatio, aeternæ dulcedinis gaudia degustans.

Non est igitur Contemplatio pura mentis in DEUM
S. Damas. ascensio: hæc enim Orationi cuilibet communis est: *Oratio*
L. de Fide est *ascensio mentis in DEUM*: Sed est Elevatio; Elevatio au-
6.8. tem naturæ viribus non fit, sed divinis; qualem in Bapti-
fsmo accipit aqua ad gratiam producendam. Ad hanc au-
tem Elevationem quid requiritur? ut mens se ipsam suspen-
dere conetur? minimè id quidem, sed ut expectet donec
suspendatur; & idcirco non dicitur, quod sit Elevatio
mentis se ipsam suspendentis, sed in DEUM suspensa. Co-
netur mens suspendere se ipsam quantum libet suo illo ob-
tutu fixo; laborabit quidem, sed non ideo gustabit cæli
delicias.

Et quod hoc ita sit, fingamus Theatrum quoddam pul-
cherrium erectum esse, in quo, ut solet, occultis lumi-
nibus, objiciatur spectantibus mirabilis illa gloria cælestis;
sed ita ut obducto sipario tota Theatri facies ab imo ad
summum velata maneat. Ubi siparium sensim demitti ca-
perit, o quām statim omnium illuc oculi convertuntur!
Populus, ante tumultuans & inquietus, repente obtice-
scit: & quod SIPARIUM REDUCITUR amplius, tanto amplius ac-
quiescit populus, eousque ut denique SIPARIO PENITUS REMO-
TO, non oculos solū in scenam defigat avidissimè, sed in
eo sit tota vi Phantasie, tota vi Intellectus, omniūque
quos in corde habet spirituum, tam profundè fixeque, ut
Populus quidem, sed statuarum esse videatur. In ejusmo-
di autem spectatorum potestate non est, ut SIPARIUM, cùm
illis Iubet, reducatur; sed hoc à Principe penderet.

Cogitemus igitur, hoc non obstante illos in cortinam
seu SIPARIUM sic oculos defixos tenere, perinde acsi redu-
ctum

etum esset, an aliquid eā re proficiat? Haud sanè. In-
cusabit populus moram, & mordebit labra, quis ambigat?
non tamen obtutu desiderato se oblectabit.

An non igitur, si istud accidat, nihil aget restiūs,
ut Spectaculo amoenissimo fruatur, quo nondum gaudet,
quām si cogitare secum occipiat, quomodo se habeant Lu-
di, quos dare parat tantus Monarcha, rimetur, investiger,
speculetur, atque ita pro modo suo illis oblectetur, nixus
tamen credulitate viva, quæ ipsi proponat, quòd quan-
tumcunque de tali spectaculo cogitet, infinitis tamen pa-
rasangis minus futurum sit illo, quod re ipsa est.

Ita res se nostræ habent. D E U S obduxit siparium,
quo nostro obtutui eripiatur penitus cœlestis gloria, non il-
la adiunbrata tantum, sed vera. Si ipsi placuerit siparium
amovere, salva res est: pluribus enim opus non est, ut se-
quatur obtutus fixus trium facultatum interiorum, quæ
Populum repræsentant. Sed si siparium D E U S amoyere
non vult, quid agemus? an figendo obtutum in cortinam
efficiemus ut illa reducatur? Nihil minùs. Eam enim re-
ducere non donum tantum est, sed donum planè penitus-
que gratuitum: quod tamen lege ordinaria sèpius ille ac-
cipit, qui se illo magis indignum agnoscit. Quantò igi-
tur melius est, ut tunc facultates nostræ se occupent in co-
gitando, quantum demum bonum illa gloria esse debeat?
Hic est obtutus, quem nemo non figere debet, & solus
ille aliquid conferre potest ad hoc, ut tantò citius siparium
reducatur. Ille autem obtutus, qui remoto sipario con-
sequitur, non multum, ut arbitror, curandus est,
nisi tunc cùm re ipsa illum D E U S
donat.

III. Dñ-

III.

DUBIUM tamen est inter Sanctos, utrum donum Contemplationis Mysticæ à DEO petere, ad illud aspirare, perfectius sit; an verò oppositum? Variæ sunt ea de re opiniones. Mihi, si, quid sentiam in hac controversia, aperire fas est, censeo quòd, sicut demissionis studio potest non appeti, ita à nonnullis non appetit autūm, sed & precibus flagitari possit, dummodo hoc facere nōrint nulla demissionis jacturā. Sincera tamen demissio hōe semper exigit, ut homo in omnibus donis, quæ ad nos Sanctos reddendos necessaria non sunt, quantum in se est, refugiat potiùs, quām sese intrudat, sicut ipsa adeò DEI Mater fecit, quando ad dignitatem Matris DEI se destinatam inaudiit.

Oportet humiliter sentire de se nitentem ad altiora, sic ad rem nostram jam olim S. Bernardus pronuntiavit, nedum supra se extollitur, cadat à se, nisi in se firmiter per veram humilitatem fuerit solidatus. Quomodo autem demissionem tam solidam in se supponere potest, qui deliberatà voluntate non vult re aliâ uti in Oratione, quām Obtutu fixo, qualis consequi solet cùm siparium Theatri reducitur? perinde ac si misellus ea ratione experiri tantisper velit, an efficere possit, ut educatur aut miseratione erga ipsum, aut per modum præmij. O quām facile tum est, ut citiùs etiam quām velit educatur cortina! sed à quo? ab Angelis? ita sanè ab his, sed illis duntaxat, quise è tenebris transformant in Angelos lucis.

Quid juvat igitur ad Orationem conferre se cum obtutu fixo, et si sit Obtutus Fidei, cùm satiùs esset, loco talis obtutus, dare operam multis piis considerationibus, quæ multum conferant aut ad emendationem morum, & vitiorum, aut ad profectum proprium, aut ad augmentum perfec-

perfectionis, aut etiam ad intimam cum D E O conjuncti-
onem? Elationem animi, meo quidem iudicio, sapit, di-
cere cum non nemine, quod *Contemplativus non velit co-
gnoscere suâ cognitione, sed quod velit cognoscere cognitione
D E I.* Non videtur hoc mihi dictum ad amissim humili-
tatis, cùm, et si fieri hoc posset, ne quidem ad hoc anhe-
lare deberet, ne dicam tantum præsumere.

Hoc non est velle operari cum D E O : est velle ut
D E U S solus operetur in nobis. Hoc tamen nemo un-
quam prætendat, clamat Mellitus, *Cooperatores enim D E I In Scal-
sumus, dicit Apostolus.*
elaustr.

Veniat igitur huc, veniat Obtutus ejusmodi fixus tot
laudibus celebratus; dicam ego illi, quod olim S. Benedi-
ctus illi Totilæ satelliti: *Depone fili, depone quod geris; nam
tuum non est.* Quid dissimulamus? Iste Obtutus fixus in
Oratione verè Paludamentum est regium, sed non compe-
tit illi Obtutui, quem nos nostris viribus in D E U M fige-
re possumus. Obtutus hic simplex est, communis multis
in Meditatione, etiam rudissima; nec cum illo aliquid ha-
bet, quem figimus in D E U M , cùm sine velamine ille se
nobis videndum exhibit. Et hic est obtutus ille tam subli-
rus, qui ad cælum usque laudibus effertur, qui tantum va-
let, quantum sensa omnia nobilissima, quæ unquam con-
cipere mens possit: qui ut amore plenus est, ita tantudem
valet ac affectus omnes, omnes adorationes, omnes lau-
des, omnia obsequia, omnes obsecrations, omnes gratia-
rum actiones. Ille quem nostris viribus efficere conamur,
valet equidem, valet aliquid; sed nonnunquam tam par-
um, ut sub velamine tam pulchro Obtutus fixi, lateat
turpis ille, quem dixi, sensus, quod nos in Oratione noli-
mus operari, sed velimus ut D E U S pro nobis otiosis ope-
retur.

retur. Atque hinc , si multum non fallor , optima S. Teresia toties , quasi brachiorum nisu , clavum istum figere & firmare conata est , ne in Oratione attollere nos velimus , nisi fuerimus in altum elati . Noverat enim optimè præclara hæc Magistra , lumine illo quo illustrata à DEO erat , quanti hæc doctrina momenti esset .

IV.

Non defuit tamen , quis crederet ? qui subtili artificio id ageret , ut tantæ Magistræ authoritatem elevaret ; & idcirco qui tam sollicitè conatur in libello aliquo persuadere oraturis , ut satis habeant in oratione habere simpli- cem obtutum stabilem , quam virtute Fidei ipsa in D E O figat , ut hujus ope orationem quietis consequantur ; providit aperte bellum manifestum , quo ipsum impugna- tura erat Magistra tam sancta , tantæque in hoc genere æstimationis : et si enim obtutus ejusmodi non sit suspensio perfecta facultatum (satis enim constat non posse hominem sic omnes earum operationes suspendere , nisi ad somnum sese componat) est tamen continuata actuum cessa- tio , quæ tantùm non æquivalet illi suspensioni . Hoc au- tem posito quid egit Lynceus iste scriptor , ut contra talem adversariam se obarmaret ? Destinato consilio tulit sententiam , & judicium de illius Sanctæ operibus ; & cum il- la generatim ad cælum usque , ut merentur , extulisset ; subinde definivit , quòd sicut Sancta in iis scribendis non nimis sollicita fuit , ut res propositas ordine tractaret , sed eas implicitas & cumulatas proposuit non sine multis di- gressionibus etiam longissimis , quibus excurseret ad Ze- lum suum exerendum , sic in iis exprimendis non semper assecuta

assoluta sit, ut id quod dicere volebat, distinctè exprimeret, sed contenta esset res proposuisse meliore modo quo poterat: atque hoc non sine profundo divinae Providentiae consilio: cum enim DEUS communicasset Sanctæ doctrinas solidas, sublimes, & humana imbecillitate, ad eas exprimendas, superiores, noluit, ut nimis minuta accuratio, in scribendo illi collata, dubium faceret, an à femina talia proficiisci opera potuerint.

Laudes DEO, quod tandem hoc nostro seculo inventus aliquis est, cui DEUS contulerit gratiam explicandi res solidas, sublimes, & humana ad res dilucidandas facultate superiores, felicitate tanto majore, quam illa fuit, quā sponsam sibi tam caram dignatus est.

S. Teresia conceptus suos & notitias clarè proponere ac distinctè non potuit: agnosco me vilissimum tertæ vermiculum, cui vox nulla est: qualem tamen cunque habeo, omnem illam colligam, & deinde clamabo, ut Christianus me Orbis quaquaversum exaudiat; Falsum hoc est, falsum. Quin imò ego paratus sum propugnare, Sanctam hanc, siquam habuit in scribendo excellentiam & jus prærogativum, hoc præcipue fuisse, res propositas dilucide explicandi. Scio equidem, luscum, qualem me non nego, de coloribus, quibus telas suas manus tam artifex tinxit, nunquam rectè posse judicare. Dico tamen, pro diuturno illo studio, quo in id solerter incubui, ut discerem animi mei sensa, quantum fieri poterat, calamo exprimere; S. Teresiam eam esse, quæ istâ eadē in re ruborem executere possit omni superbè se efferenti; dummodo stulta de se præsumptio mentem illi omnem non excusserit: tam vivida in iis omnia, tam propria, comparationes tam aptæ, tam perfecta adjunctorum omnium, quæ rem, de qua agit,

circumstant, comprehensio: quæ ipsa causa est cur ejus doctrinæ ad incudem vocatæ tam solidæ inveniantur, nec vel summus Scholarum rigor reprehendere in iis quidquam possit.

Quomodo igitur invenire erit aliquem, qui ad propugnandam voluntariam ab agendo in Oratione cessationem, non vereatur dicere, Sanctam Magistram non potuisse in præsenti argumento mentem suam exprimere? Expressit enimvero plus quam clarè ac distinctè, non ita tamen, ut hæc ejus claritas lucem etiam iis afferret, quibus non est propositum ejus doctrinam hac etiam in quæstione sequi, sed satis habent apparentem saltem aliquam ejus reverentiam præferre.

Femina erat, sic est: eo tamen non obstante contulit in illam DEUS donum tam prodigiosum mentem suam explicandi (et si ipsa dicat, se id non semper paucis præstare potuisse) ut appareret feminam scripsisse, DEUM tamen ipsum feminæ voces dictasse. Quodsi nonnunquam dreditur (quod nemo non in itinere difficulti etiam de industria facit) nunquam tamen non in semitam prudenter valde regreditur. Ideo explicari non potest, quantopere ego obstupecsam, quod non desit, qui, ad persuadendam Mundum doctrinam non solum, si momentis res suis libretur, pugnantem cum sensis talis Sanctæ, sed omnium etiam qui ante ipsam hoc argumentum tractarunt, tentet tam præclara opera non sine considerabili exceptione laudare.

V.

ET quid aliud, ad nostram usque ætatem, inculcarunt, quotquot de Oratione tractarunt, nisi, ne quis sua optione


ptione priora subsellia ambiari: Innumerabiles sunt qui ad hoc adstruendum afferunt ipsum adeo præceptum, quod Servator noster tulit: *Cum invitatus fueris ad nuptias, re* Matth. 4.^{v. 8.} *cumbe in novissimo loco.* Nec minore numero illi sunt, qui vehementer improbant, si quis confessim in Oratione profiliere velit ad osculum faciei. Principio multò satius est semet ad pedes abjecere, & illorum osculo esse contentum. *Pedibus Christi oscula casta figamus,* ajebat S. Paulinus, *ut* Ep. 4. ad Sever. *emereamur à pedibus in caput surgere.*

Cui e jesusmodi effata Sanctorum non sufficiunt, Albertum Magnum audiat pulcherrimè differentem, nobisque demonstrantem, quām proprium sit de se demissē sentientium, exultimare se indignos omnibus divinis favoribus, antequam illos accipiant, & postquam acceperint, expavescere. Argumentum veræ humilitatis est, cū Parad. an. in tantum se homo dejicit, quod omni gratiā se indignum sentit, nec audet etiam aliquam gratiam appetere; & si præterea à DEO super se ipsum absque suo desiderio effluxerit, cum timore percipit, immo laudabilius judicat carere DEI gratiā, quām habere gratiam DEI, quam toties diversis modis demeruit, qnam toties diversimodè deturparvit, quā nunquam secundum ordinationem DEI fruebatur. Sic scripsit Albertus calamo non inferiore illa mente, quā Magni nomen promereri potuit.

An autem præceptis ejusmodi obtemperant, qui mox sub orationis initium volunt defigere obtutum suum in DEUM purum purissimum, & sic illius tempus transfigere, ut lumen habeant omni nostra capacitate & aptitudine superiorius? Mihi quidem istud haud quaquam videtur. Quod si progradienti in Oratione DEUS voluerit suspendere usum omnium facultatum, concedendo lumen quoddam admirabile,

rabile, eja, faceſſat ſanè, dicam etiam ego cum S. Teresia,
 Vitæ.c.22. faceſſat, bona mea pace, omnis non tantum imago, omnis
 non ſolum ratiocinatio, omnis non ſolum affectus, elici-
 tus modo naturæ noſtræ respondentē, ſed ipſa adeò præ-
 ſentia Christi JESU, quā priūs fruebar; ejus enim tunc ja-
 ceturam facio, ut meliori illam modo lucrifaciam. Ante.
 quam tamen DEUS me ſuspendat, non ita fit. Etsi enim
 hoc aliud non foret, quām tenuis pulvifculus ſuperbiæ;
 hic ipſe tamen pulvifculus etsi oculos iſpos fugiat, repeatam
 cum eadem Sancta, plurimum tamen damni affert iſpi Cont-
 templationi, quæ dederatur. Ec quis erit ſuperbus ille,
 qui eti laboraverit per omne vitæ ſue tempus omni genere aſpe-
 ritarum, perſecutionum, orationum, quas vel cogitare poſſi-
 mus, non ſatis ſibi p̄emij obtigisse existimet; ſi conſeffet ille
 DEUS, ut ad pedem Crucis cum Joanne illi ſtare liceat? Ita
 loquebatur Sancta, ſatis, n̄ fallor, magnâ animi ſui ſenſa
 exprimendi facultate. Atque ita optem & ego id dicere
 poſſe, ſi non eādem facultate, quod parum intereſt, eodem
 Psal. 103. certè ſpiritu: Montes excelfi cervis; petra refugium herie
 v. 18. naciis.

Et idcirco concludamus, quod multo melius fit Ora-
 tionis initio histricis inſtar indigni comparere, intra latibu-
 lum ſe recipere, aut vulnerum Christi, aut aliarum conſi-
 derationum magis vulgarium & uſitatarum, quām repente
 Cervum velle imitari, & ad Montes procurrere; niſi ta-
 men ipſe nos DEUS noſtris illis ē latebris evocet, ut, quoad
 ejus poſteſt, nos dignetur clara ſui cognitione altiſ-
 ſimo genere Contemplationis.



Caput V.